



Općina Stari Grad Sarajevo

Municipality of Stari Grad Sarajevo

Služba za investicije i komunalne poslove

Broj : 13/1-19-2134 /21
Sarajevo, 7.04.2021. godine

Kanton Sarajevo
Skupština Kantona Sarajevo
Služba za skupštinske poslove

SARAJEVO, Reisa Džemaludina Čauševića br.1

1365

Bosna i Hercegovina
Federacija Bosne i Hercegovine
KANTON SARAJEVO

PRIMLJENO	09-04-2021	broj prijema
Organizacija		
Jedini		
01	04	6550-232

PREDMET: Dostava odgovora na zastupničku inicijativu- zastupnica Danijela Kristić
Veza : Vaš akt broj: 01-04-6550-21/21 od 03.03.2021.godine

Zastupnica Danijela Kristić, na 33. Radnoj sjednici Skupštine Kantona Sarajevo, održanoj dana 03.03.2021.godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa Poslovnikom Skupštine Kantona Sarajevo uputila je zastupničku inicijativu svim općinama u Kantonu Sarajevo i Ministarstvu komunalne privrede, infrastrukture, prostornog uređenja, građenja i zaštite okoliša, kojom se traži da sve jedinice lokalne samouprave obezbijede sredstva za finansiranje poslova zajedničke komunalne potrošnje, te da u saradnji sa pomenutim Ministarstvom organizuju radne sastanke kako bi dogovorili detalje realizacije.

Shodno naprijed navedenom, Općina Stari Grad Sarajevo daje sljedeći odgovor:

Zakonom o komunalnim djelatnostima (Službene novine Kantona Sarajevo br. 14/16, 43/16, 10/17, 19/17-ispravka, 20/18 i 22/19) u članu 3. stav (2) kao djelatnosti zajedničke komunalne potrošnje su definisane sljedeće djelatnosti:

odvođenje atmosferskih voda; održavanje čistoće na javnim površinama; održavanje javnih površina; održavanje groblja; održavanje javne rasvjete; obavljanje kafilerijske usluge; dekorisanje; održavanje javnih česmi i fontana, javnih kupatila i javnih nužnika; održavanje javnih satova.

Nadalje, članom 7. i 8. navedenog Zakona definisane su djelatnosti koje obezbjeđuje Kanton, te da Kanton može posebnim propisom povjeriti Gradu i općinama u cijelosti ili djelimično obezbjeđivanje i obavljanje definisanih komunalnih djelatnosti, dok su članom 9. definisane djelatnosti koje se obezbjeđuju od strane Grada i općina.

Sredstva za obavljanje komunalne djelatnosti obezbjeđuju se u skladu sa članom 20. Zakona i to iz cijene za komunalne usluge iz segmenta individualne komunalne potrošnje; cijene za komunalne usluge iz segmenta zajedničke komunalne potrošnje; budžeta Kantona i općine, te drugih izvora po posebnim propisima.

Zakonom je također definisano da se za pokrivanje cijena iz segmenta zajedničke komunalne potrošnje uvodi komunalna naknada. Prikupljena sredstva od komunalne naknade Kanton je sukladno članu 33.stav (5) trebao doznačavati Gradu i općinama za finansiranje komunalnih djelatnosti koje su u nadležnosti Grada i općina.

Sredstva za finansiranje obavljanja komunalnih djelatnosti obezbjeđuju se u Budžetu Kantona, Grada, odnosno općine **samo izuzetno**, u slučajevima kada je cijena komunalne usluge utvrđena u nižem iznosu od stvarne cijene koštanja, kada zbog nedostatka sredstava postoji opasnost od prekida redovnog obavljanja komunalnih djelatnosti, a koji može dovesti do trajnijeg nevršenja ili do bitnog

odstupanja od programa vršenja komunalnih djelatnosti, a što može dovesti do štetnih posljedica (član 36.)

Naplata komunalne naknade nikada nije zaživjela niti su stvorene pretpostavke za isto, što je isključiva odgovornost Kantona. Uspostavljanje evidencije obveznika plaćanja komunalne naknade i stvaranje organizacionih i drugih uslova za naplatu naknade je navedenim Zakonom stavljeno u obavezu Kantonalnom ministarstvu nadležnom za komunalne poslove.

Uzimajući u obzir sve gore navedeno, a u vezi sa predmetnom inicijativom, naglašavamo da u Zakonu o komunalnim djelatnostima nije definisano da "poslove koje osiguravaju kantonalna javna komunalna preduzeća trebaju finansirati i lokalne zajednice".

Međutim i pored svega navedenog Općina Stari Grad Sarajevo u budžetu svake godine obezbijedi dio sredstava za finansiranje obavljanja komunalnih djelatnosti zajedničke komunalne potrošnje, kao i za građenje objekata i uređaja komunalne infrastrukture.

U budžetu za 2021.godinu planirane su sljedeća sredstva za navedenu namjenu:


- Uređenje javnih površina (nabavka mobilijara, kante za smeće, klupe i sl.).....12.000,00 KM
- Sanacija javne rasvjete 30.000,00 KM
- Hortikulturno uređenje Starog Grada15.000,00 KM
- Plaćanje utroška vode za javne česme 25.000,00 KM
- Čišćenje javnih površina3.000,00 KM
- Grant za finansiranje usluga prihvatilišta za pse 8.000,00 KM
- Grant fondu za šehidska mezarja25.000,00 KM
- Izgradnja i rekonstrukcija kanalizacione i vodovodne mreže220.000,00 KM
- Nabavka i ugradnja slivnika, rešetki, poklopaca i sl..... 12.000,00 KM

Pored navedenih ulaganja u sektoru komunalne djelatnosti pri općinskoj Službi za investicije i komunalne poslove djeluje **Odjeljenje za održavanje Aleje ambasadora, cestovnih pojasa i javnih površina** koje na području Općine Stari Grad pored aktivnosti za koje je osnovano vrši i poslove čišćenja divljih deponija, čišćenja slivnika i slivničkih rešetki, košenje trave i uređenje javnih površina, popravke oštećenih javnih klupa, čišćenje dječijih igrališta, sječe i potkresivanja drveća, farbanja rukohvata i ograda i sl.

Koristimo ovu priliku da napomenemo da Kanton Sarajevo još uvijek nije donio Zakon o principima lokalne samouprave, kojim bi se u konačnici jasno utvrdile nadležnosti jedinica lokalne samouprave, poštujući Evropsku povelju o lokalnoj samoupravi, te stvorili preduvjeti za donošenje i drugih zakonskih rješenja na istim principima kao što su Zakon o komunalnim djelatnostima, Zakon o komunalnoj čistoći, Zakon o pripadnosti javnih prihoda KS i sl.

S poštovanjem,

Obrada: Amela Kukan, dipl.ing.grad.



Dostaviti:

- Naslovu
- Evidencija
- a/a



pravnika